

Zbirka medijskih objava

VladaBrckoDistrikta_kliping_dnevno,
za razdoblje 10. 7. 2020

Broj objava: 19

Internet: 3

Televizija: 4

Štampa: 12

Teme praćenja:

Vlada Brčko Distrikta: 2

Gradonačelnik: 1

Skupština Brčko: 1

Brčko: 15

Vlada Brčko Distrikta:

Internet	Naslov	Halilović nasrnuo na Gudeljević zbog oslovljavanja sa "ravnatelj"		
Serijski br. 1	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 9. 7. 2020		
	Autor	Unknown		
	Teme	Vlada Brčko Distrikta		

Štampa	Naslov	Verbalno napao ministricu zbog hrvatskog jezika		
Serijski br. 2	Medij; Doseg	Večernji list; , Bosna i Hercegovina	Stranica: 4	Površina: 123 cm ²
	Rubrika, Datum	Aktualno; 10. 7. 2020		
	Autor	R. I.		
	Teme	Vlada Brčko Distrikta		

Gradonačelnik Brčko Distrikta:

Internet	Naslov	Milić, Kadrić i Burgić obišli radove na regulaciji korita Blizne i Brke		
Serijski br. 1	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 9. 7. 2020		
	Autor	Unknown		
	Teme	Gradonačelnik Brčko Distrikta		

Skupština Brčko Distrikta:

Internet	Naslov	Narod i Pravda Brčko: Da makar jedna mlada osoba uđe u Skupštinu		
Serijski br. 1	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 9. 7. 2020		
	Autor	Unknown		
	Teme	Skupština Brčko Distrikta		

Brčko:

Televizija	Naslov	Koronavirus u BiH		
Serijski br. 1	Medij; Doseg	NTV Hayat; , Bosna i Hercegovina	19:00	Trajanje: 1 min
	Rubrika, Datum	Vijesti u 7; 9. 7. 2020		
	Autor	Unknown		
	Teme	Brčko		

Televizija	Naslov	U BiH registrovano 218 novih slučajeva oboljelih od koronavirusa		
Serijski br. 2	Medij; Doseg	O kanal; , Bosna i Hercegovina	18:30	Trajanje: 1 min
	Rubrika, Datum	O Dnevnik; 9. 7. 2020		
	Autor	Unknown		
	Teme	Brčko		

Televizija	Naslov	Koronavirus u BiH		
Serijski br. 3	Medij; Doseg	Radio televizija Bosne i Hercegovine; , Bosna i Hercegovina	19:00	Trajanje: 3 min
	Rubrika, Datum	Dnevnik; 9. 7. 2020		
	Autor	Šušak Vladimir		
	Teme	Brčko		

Televizija	Naslov	Porast broja zaraženih u Brčkom		
Serijski br. 4	Medij; Doseg	Radio televizija Republike Srpske; , Bosna i Hercegovina	17:00	Trajanje: 1 min
	Rubrika, Datum	Srpska danas; 9. 7. 2020		
	Autor	Unknown		
	Teme	Brčko		

Štampa	Naslov	Verbalni napad		
Serijski br. 5	Medij; Doseg	Dnevni avaz; 50.000, Bosna i Hercegovina	Stranica: 4	Površina: 36 cm ²
	Rubrika, Datum	Aktuelno; 10. 7. 2020		
	Autor	A. J.		
	Teme	Brčko		

Štampa	Naslov	Pokušao ubiti navijača Crvene zvezde		
Serijski br. 6	Medij; Doseg	Dnevni avaz; 50.000, Bosna i Hercegovina	Stranica: 17	Površina: 189 cm ²
	Rubrika, Datum	Crna hronika; 10. 7. 2020		
	Autor	Unknown		
	Teme	Brčko		

Štampa	Naslov	BiH skinuta sa EU liste visokorizičnih zemalja na polju pranja novca i terorizma		
Serijski br. 7	Medij; Doseg	Dnevni list; , Bosna i Hercegovina	Stranica: 3	Površina: 69 cm ²
	Rubrika, Datum	Događaji; 10. 7. 2020		
	Autor	Unknown		
	Teme	Brčko		

Štampa	Naslov	Притвор осумњиченом за напад на "делије"		
Serijski br. 8	Medij; Doseg	Glas Srpske; , Bosna i Hercegovina	Stranica: 9	Površina: 20 cm ²
	Rubrika, Datum	Hronika; 10. 7. 2020		
	Autor	J. S.		
	Teme	Brčko		

Štampa	Naslov	Izgradnja dnevnog centra staje zbog nedostatka novca		
Serijski br. 9	Medij; Doseg	Nezavisne novine; , Bosna i Hercegovina	Stranica: 7	Površina: 73 cm ²
	Rubrika, Datum	Događaji; 10. 7. 2020		
	Autor	B. C.		
	Teme	Brčko		

Štampa	Naslov	Izvoz drvnih sortimenata bez kontrole kvaliteta		
Serijski br. 10	Medij; Doseg	Nezavisne novine; , Bosna i Hercegovina	Stranica: 12	Površina: 106 cm ²
	Rubrika, Datum	Ekonomija; 10. 7. 2020		
	Autor	Fena		
	Teme	Brčko		

Štampa	Naslov	Britansko-njemačka inicijativa		
Serijski br. 11	Medij; Doseg	Oslobođenje; , Bosna i Hercegovina	Stranica: 52	Površina: 404 cm ²
	Rubrika, Datum	Ostalo; 10. 7. 2020		
	Autor	Unknown		
	Teme	Brčko		

Štampa	Naslov	BiH skinuta sa EU liste visokorizičnih zemalja za pranje novca i financiranje terorističkih aktivnosti		
Serijski br. 12	Medij; Doseg	Poslovne novosti; , Bosna i Hercegovina	Stranica: 3	Površina: 269 cm ²
	Rubrika, Datum	Poslovne novosti; 10. 7. 2020		
	Autor	Unknown		
	Teme	Brčko		

Štampa	Naslov	Ukinuta obaveza kontrole kvalitete drvnih sortimenata pri izvozu		
Serijski br. 13	Medij; Doseg	Poslovne novosti; , Bosna i Hercegovina	Stranica: 10	Površina: 256 cm ²
	Rubrika, Datum	ostalo; 10. 7. 2020		
	Autor	Unknown		
	Teme	Brčko		

Štampa	Naslov	Ukinuta kontrola kvalitete drvnih sortimenata		
Serijski br. 14	Medij; Doseg	Večernji list; , Bosna i Hercegovina	Stranica: 10	Površina: 127 cm ²
	Rubrika, Datum	Aktualno; 10. 7. 2020		
	Autor	R. I.		
	Teme	Brčko		

Štampa	Naslov	Zaraženo 144 djece, broj pozitivnih u BiH premašuje broj oporavljenih		
Serijski br. 15	Medij; Doseg	Večernji list; , Bosna i Hercegovina	Stranica: 10	Površina: 581 cm ²
	Rubrika, Datum	Aktualno; 10. 7. 2020		
	Autor	Vidačak Ljiljana		
	Teme	Brčko		

Halilović nasrnuo na Gudeljević zbog oslovljavanja sa "ravnatelj"



U organizaciji Ministarstva civilnih poslova Bosne i Hercegovine (**MCBiH**) održan je sastanak radi unapređenja procesa akreditacije visokoškolskih institucija u **Brčko** distriktu **BiH**, kojem su prisustvovali predstavnici Odjela za obrazovanje u **Vladi Brčko distrikta BiH**, Asocijacije rektora privatnih univerziteta i direktor Agencije za razvoj visokog obrazovanja i osiguranje kvaliteta.

Ministrica civilnih poslova **BiH** Ankica Gudeljević je u skladu s koordinirajućom ulogom Ministarstva organizirala, u duhu dobre volje, sastanak kojim je nastojala omogućiti uvjete za dijalog koji je, prema riječima prisutnih, iz Ministarstva civilnih poslova nedostajao proteklih godina, saopćeno je iz tog ministarstva.


Koronavirus u BiH



U BiH registrovano 218 novih slučajeva oboljelih od koronavirusa



Narod i Pravda **Brčko**: Da makar jedna mlada osoba uđe u Skupštinu



Današnjom konferencijom za štampu i službeno je predstavljena nova politička organizacija u **Brčko** distriktu. Radi se o Narodu i Pravdi.

Kazali su da će se na Lokalnim izborima pojaviti sa jasno definisanim i razrađenim planom i programom koji će obuhvatiti sve životne sfere.

Dženana Kukić, predsjednica Povjereništva **NIP Brčko**, koja se pokazala kao veoma uspješna studentica Ekonomskog fakulteta u **Brčkom**, istakla je da je omladina stub svake zdrave društvene zajednice, a da u ovoj lokalnoj zajednici to nije slučaj.

„Ovim putem želim da pozovem sve mlade da izađu na Izbore, da glasaju, da svo svoje kritičko razmišljanje koje su stekli tokom obrazovanja iskoriste te da glasaju za one koji će da se pobrinu za njihovu budućnost, za one koji razmišljaju kao oni. Također, da vjeruju u demokratiju i da se ne vode cinizmom onih koji govore kako se ovdje ništa ne može promijeniti. Mi mladi nismo samo budućnost, nego i tekako i sadašnjost zbog budućnosti“, naglasila je ona.

Iz Naroda i Pravde su kazali da, svjesni odgovornosti spram budućih generacija, žele prije svega pozvati i žene da uzmu aktivno učešće u političkom životu, iznoseći za njih žalosnu činjenicu da u **Skupštini Brčko distrikta BiH** nema ni 10 posto žena. Naglasili su da su, također, sve mlade osobe dobrodošle.

„Jedan od mojih razloga zašto sam pristupio Narodu i Pravdi je taj da pokušamo na ovim izborima da makar jedna mlada osoba uđe u **Skupštinu Brčko distrikta** Bosne i Hercegovine i smatram da samo mlada osoba se može boriti za prava mladih osoba. Svjedoci jesmo da je dugi niz godina kategorija koja je zapostavljena jesu upravo mladi te samo angažmanom kroz politiku možemo doprinijeti nekom boljitku i da se izborimo za osnovna ljudska prava“, izjavio je Mirsad Zahirović, potpredsjednik Povjereništva mladih.

Abdulah Iljazović, jedan od kandidata za **Skupštinu Brčko distrikta BiH** ispred **NIP** je iznio podatak da je posljednjih nekoliko godina **FK Brka** napustilo 15 mladića koji su otišli u inostranstvo.

<https://www.otisak.ba/narod-i-pravda-brcko-da-maka...>

2 / 2

Istakao je da je neshvatljivo da je sve manje stanovništva, a sve više zaposlenih na “državnim jaslama”. Naglasio je da je zbog toga reforma javne uprave prioritet.

Prema njegovim riječima, omladina odlazi, budućnost odlazi zbog loše kvalitete života, loše perspektive.

Istakao je da ih je svakodnevna nepravda spojila u jednu organizaciju koja želi da najkvalitetniji kreiraju budućnost grada.

Milić, Kadrić i Burgić obišli radove na regulaciji korita Blizne i Brke



Gradonačelnik Brčko distrikta BiH Siniša Milić, predsjednik Skupštine Esed Kadrić i šef Odjeljenja za poljoprivredu, šumarstvo i vodoprivredu Perica Burgić obišli su gradilišta na regulaciji korita rijeka Brka i Blizna.

Projekat regulacije Brke finansira se sredstvima **IPA** fondova, odnosno Evropske unije, u iznosu od oko 1.150.000 eura dok je projekat regulacije Blizne finansiran je iz kapitalnog budžeta **Brčko** distrikta **BiH**, u iznosu od 500.000 **KM**, u prvoj fazi.

„Primarni cilj regulacije Blizne je da se regulišu vodotoci i time spriječi mogućnost poplava, ali i pojave klizišta koja je bila prisutna na ovim terenima. Po završetku projekta to će biti dobar izazov za naše inženjere da isprojektuju i pješačke staze uz obalu Blizne uz izlazak na Savu pa možda i povezivanje obalom Save s Ficibajerom. To je nešto što treba ovome gradu“, istakao je gradonačelnik Siniša Milić.

On je najavio nastavak projekta, od mosta uzvodno prema Gornjem Breziku koji bi trebao započeti nakon rješavanja imovinsko-pravnih odnosa i istakao da se paralelno rješava odvoz smeća s lokalne deponije koja se nalazi u blizini.

„Ugovor sa deponijom smeća u Zvorniku je potpisan. U toku je javna nabavka određene opreme, koja je u zastoju zbog procedura Zakona o javnim nabavkama, ali i to će se otkloniti. Naša obaveza, u skladu sa standardima, jeste i saniranje deponije zbog činjenice da se ona nalazi na obali rijeke Save. To puno košta i nije realno da radimo to iz vlastitih sredstava nego u saradnji sa Svjetskom bankom, Evropskom bankom ili drugim donatorima“, pojasnio je Milić.

On je istakao će Vlada i Skupština kroz budžet nastaviti pratiti realizaciju ovakvih projekata jer su oni, kako je naveo, u interesu šire društvene zajednice.

Predsjednik **Skupštine Brčko distrikta BiH** Esed Kadrić je rekao da su iskustva iz 2014. godine, kada su nas zadesile velike poplave, opredijelila da se u urbanu radi na regulaciji vodotoka korita rijeka.

„Uz benefite zaštite od poplava ovo stvara uslove za kvalitetniji život ljudima koji su u neposrednoj blizini i koji mogu koristiti ove resurse, što podrazumijeva izgradnju drugih sadržaja. Neizmjerno su važni ovi projekti i nastavljamo na njihovoj realizaciji“, dodao je Kadrić.

Perica Burgić, šef Odjeljenja za poljoprivredu, šumarstvo i vodoprivredu **Vlade Brčko distrikta BiH**, rekao je da se završetak radova oba projekta očekuje do kraja augusta ove godine. „Na Blizni uporedo radimo i rješavanje kanalizacije iz ovog dijela naselja Brezik u saradnji s Odjeljenjem za komunalne poslove, a ukupna dužina korita je oko 800 metara. Kada je riječ o koritu rijeke Brke, nakon završetka projekta koji je u toku, planiramo i izgradnju potpornih zidova u daljem toku prema naselju Brod“, zaključio je Burgić.

Koronavirus u BiH





Ankica Gudeljević **Verbalni napad**

► Ministarstvo civilnih poslova BiH saopćilo je da je ministrica Ankica Gudeljević verbalno napadnuta na sastanku organiziranom radi unapređenja procesa akreditacije visokoškolskih institucija u Distriktu **Brčko**, održanom u Sarajevu.

Navode kako je direktor Agencije za razvoj visokog obrazovanja i osiguranje kvaliteta Enver Halilović Gudeljević zabranio da ga oslovljava s „ravnatelj“ jer je ta riječ „neprihvatljiva“. Halilović je za „Avaz“ kazao da je cijelo saopćenje insinuacija. **A. J.**




Određen pritvor Brčaku

Pokušao ubiti navijače Crvene zvezde

Postupajući prema prijedlogu Tužilaštva Brčko Distrikta BiH, Osnovni sud u Brčkom odredio je pritvor 22-godišnjem M. D., osumnjičenom da je s još jednom osobom, pucajući iz automatskog oružja, pokušao ubiti navijače FK Crvena zvezda.

Pritvor M. D. određen je zbog opasnosti da će pobjeći, uništiti, sakriti, izmijeniti ili krivotvoriti dokaze ili tragove važne za krivični postupak.

Uhapšeni M. D. iz Brčkog i još jedna osoba su se 20. juna, oko 14.05 sati, na magistralnom putu M14.1 Brčko - Bijeljina, u mjestu Trnjaci, automobilom kojim je upravljao M. D., približili koloni vozila



s navijačima FK Crvena zvezda koja se kretala prema Beogradu. Drugi osumnjičeni je iz automatskog oružja ispalio više metaka u pravcu kolone...

- Usled toga došlo je do proboja pušcanog zrna kroz vetrobransko staklo zadnjeg vozila te nanošenja povreda dvojici maloljetnih navijača iz

Prijedora. Tom prilikom je R. D. probojem metka u predjelu vratne kičme teško povrijeđen - saopćeno je iz Tužilaštva Brčko Distrikta BiH.



BiH skinuta sa EU liste visokorizičnih zemalja na polju pranja novca i terorizma

SARAJEVO-BiH od četvrtka službeno nije na EU listi visokorizičnih trećih zemalja sa strateškim nedostacima u režimu sprečavanja pranja novca i borbe protiv financiranja terorizma koji predstavljaju znatnu prijetnju finansijskom sustavu Unije. Na snagu je stupila Delegirana uredba Komisije od 7. svibnja 2020., kojom je revidirana lista visokorizičnih trećih zemalja. Revidirana lista je u većoj mjeri usklađena i sa listom FATF-a, saopćeno je iz Ministarstva pravde BiH. Europska komisija je prepoznala napredak i poduzete mjere u ovoj oblasti koji je BiH ostvarila u proteklom razdoblju, te je zaključila da u ovoj fazi, prema dostupnim informacijama, Bosna i Hercegovina nema strateške nedostatke u režimu sprečavanja pranja novca i financiranja terorističkih aktivnosti. Komisija će nastaviti pratiti djelotvornu provedbu takvih mjera. Ministarstvo pravde BiH je kroz svoj rad u proteklih nekoliko godi-

na dalo značajan doprinos jačanju sustava sprečavanja pranja novca i financiranja terorističkih aktivnosti, posebice kroz ključne izmjene i dopune krivičnog zakonodavstva BiH i kroz izmjene i dopune Zakona o udrugama i fondacijama BiH. Nadalje, u razdoblju od 2016. do 2018., Ministarstvo pravde BiH je sudjelovalo u Radnoj grupi sa osam podgrupa (čiji su članovi bili predstavnici institucija sa državne razine, entiteta i **Brčko** Distrikta), a koja je provela nacionalnu procjenu rizika od pranja novca i financiranja terorizma pod pokroviteljstvom Svjetske banke. Važno je naglasiti da je, zajedno sa EU, Ministarstvo pravde BiH kroz projekat 'Izgradnja kapaciteta državnih institucija za vođenje dijaloga o javnoj politici sa civilnim društvom' (projekat CBGI) uspostavilo e-registar, a sve ovo je u konačnici doprinijelo ispunjavanju uvjeta za skidanje BiH sa FATF-ove sive liste rizičnih zemalja, a od jučer i EU liste.



Брчко Притвор осумњиченом за напад на "делије"

БРЧКО - Основни суд у **Брчком** одредио је једно-мјесечни притвор Марку Дедићу, осумњиченом за покушај убиства навијача ФК Црвена звезда у Трњацима код **Брчког**, потврђено је "Гласу Српске".

- М. Д. је осумњичен да је с још једном особом 20. јуна пуцањем из пушке на возила у којима су били навијачи ФК Црвене звезде - казали су у Тужилаштву, наводећи иницијале. У пуцњави су повријеђена два малолетника из Приједора, а једном од њих метак је пробно вратну кичму.

J. С.



ODBOR ZA POMOĆ KIM

Izgradnja dnevnog centra staje zbog nedostatka novca

KOSOVSKA MITROVICA - Ovih dana završava se fasada ne dnevnog centru "Podrži me - 9. januar" u Kosovskoj Mitrovici, koji je namijenjen djeci i mladima s poteškoćama u razvoju na Kosovu i Metohiji, a za dovršetak objekta potrebno je još 85.000 evra, saopšteno je juče iz Odbora za pomoć Kosovu i Metohiji.

"Veliki projekat našeg odbo-

ra veličine 714 kvadratnih metara i ukupne vrednosti oko 280.000 evra u fazi je završetka, ali tu moramo stati s radovima. Građevinsko preduzeće koje izvodi radove GP 'Invest 1980', vlasnika Radoša Petrovića, uradilo je puno, dosta više nego što smo uspjeli sakupiti sredstava. Ostalo je da se uradi kompletno unutrašnje uređenje: stolarija, podovi, grijanje, keramika, sani-



tarije, gletovanje, rigips, lift... Za to čekamo da sakupimo sredstva", navedeno je u saopštenju.

Ističu da ih je globalna situacija izazvana virusom korona

spriječila da ispune želju da centar završe do 19. avgusta - Preobraženja Gospodnjeg.

Očekuju uplatu odobrene donacije od 10.000 KM iz distri-

kta Brčko, kao i uplate od vidovdanske aukcije slika iz Istočnog Sarajeva.

MOLE HUMANE LJUDE, INSTITUCIJE I PREDUZEĆA DA IH FINANSIJSKI PODRŽE

Molimo sve humane ljude, institucije, javna i privatna preduzeća da nam pomognu da završimo ovaj centar, prvi ovakve kategorije na Kosovu i Metohiji, apeluju iz Odbora.

B.C.



FBIH USKLADILA PROPISE SA RS I BRČKO DISTRIKTOM

Izvoz drvnih sortimenata bez kontrole kvaliteta

SARAJEVO - Odluka o izmjeni Odluke o određivanju proizvoda koji podliježu kontroli kvaliteta pri uvozu i izvozu, kojom je Vlada Federacije BiH, na prijedlog Federalnog ministarstva trgovine, ukinula obavezu kontrole kvaliteta pri izvozu trupaca, rezane grade, drveta za ogrev i suhu destilaciju, celuloznog i oblog tehničkog drveta, stupila je juče na snagu.

Potvrdio je to federalni ministar trgovine Zlatan Vujanović, navodeći da je izmjena odluke

**PROIZVOĐAČI I IZVOZNICI
DRVNIH SORTIMENATA
IZ FBIH OD MINISTARSTVA
TRGOVINE TRAŽILI
UKIDANJE OVE OBAVEZE**

izvršena zbog usklađivanja postupanja inspeksijskih organa entiteta i Brčko distrikta pri izvozu drvnih sortimenata iz BiH, kao i olakšanja poslovanja privrednicima i smanjenja parafiskalnih nameta.

Naime, u BiH se primjenjuju različiti važeći entitetski propisi i postupci kontrole kvaliteta poljoprivrednih proizvoda i njihovih prerađevina i kvaliteta in-

dustrijskih proizvoda pri uvozu i izvozu. Tako se, podsjeća Vujanović, prema dosad važećoj odluci na graničnim prelazima na kojima kontrolu kvaliteta vrši Federalna uprava za inspeksijske poslove prilikom izvoza drvnih


sortimenata obavljala kontrola kvaliteta i izvoznici su bili dužni imati uvjerenje o kontroli kvaliteta tih proizvoda za izvoz. Nasuprot tome, na graničnim prelazima gdje kontrolu kvaliteta obavljaju nadležne inspekcije RS

i Brčko distrikta ne obavlja se kontrola kvaliteta proizvoda pri izvozu.

U ovakvoj situaciji, kako kaže Vujanović, proizvođači i izvoznici drvnih sortimenata iz Federacije BiH su imali veće izvozne troškove i duže procedure u odnosu na izvoznike iz RS i Brčko distrikta.

"Proizvođači i izvoznici drvnih sortimenata iz FBiH su od Ministarstva trgovine tražili ukidanje ove obaveze, pri čemu su istakli da ona nema svoju svrhu jer njihovi kupci ne traže uvjerenje o kvalitetu proizvoda izdato od strane preduzeća ovlaštenog u Federaciji, te predstavlja klasičan parafiskalni namet", istakao je Vujanović. (Fena)





Mirko Pejanović: Pretpostavke ubrzanja integracije BiH u Evropsku uniju (4)

Britansko-njemačka inicijativa

Inicijativom je ustanovljeno polazište koga su prihvatile sve članice EU da se reforme političkog karaktera, za šta ne postoji konsenzus, odgode za buduće vrijeme

Nakon što je potpisan Sporazum o stabilizaciji i pridruživanju, nastale su teškoće u proceduri njegove ratifikacije u institucijama EU. Glavna teškoća je nastala krajem 2009. godine, poslije donošenja presude Evropskog suda za ljudska prava protiv države Bosne i Hercegovine u predmetu Sejdić-Finci. Presudom je država Bosna i Hercegovina obavezana da putem amandmana na Ustav BiH ukinе diskriminaciju etničkih manjina u pravu da biraju i da budu birani u državno Predsjedništvo i Dom naroda Parlamentarne skupštine BiH. Istovremeno je Vijeće Evropske unije odlučilo da Sporazum o stabilizaciji i pridruživanju čeka svoju primjenu i realizaciju sve dok se ne postigne implementacija presude Evropskog suda za ljudska prava u predmetu Sejdić-Finci. Kako se za presudu Evropskog suda za ljudska prava u predmetu Sejdić-Finci nije postigla saglasnost u Parlamentarnoj skupštini BiH u mandatu 2010-2014, proces integracije BiH je bio ušao u višegodišnji zastoj.

Sejdić-Finci

U pogledu odvijanja procesa integracije Bosne i Hercegovine u Evropsku uniju, preokret će nastati 2015. godine i to na temelju britansko-njemačke inicijative. Ovom inicijativom je ustanovljeno polazište koga su prihvatile sve članice Evropske unije, a to je da se reforme političkog karaktera, za šta ne postoji konsenzus u Parlamentarnoj skupštini BiH, odgode za buduće vrijeme. Na toj osnovi i primjena presude Evropskog suda za ljudska prava u predmetu Sejdić-Finci nije više jedan od uslova za stavljanje na snagu Sporazuma o stabilizaciji i pridruživanju. Tako je 2015. započela realizacija Sporazuma o stabilizaciji i pridruživanju i time nastavljen proces integracije BiH u EU. U cilju uspješnog odvijanja integracijskog procesa usvojen je dokument Reformska agenda. Težište aktivnosti parlamentarne i izvršne vlasti usmjereno je u polje društveno-ekonomskog razvoja. Nakon postignutih rezultata u evropskom integracijskom procesu, a na temelju provođenja Reformske agende tokom 2016. podnesen je zahtjev za članstvo BiH u Evropskoj uniji. Vijeće Evropske unije je zahtjev ocijenilo kredibilnim. Poslije toga je Evropska unija u decembru 2016. uručila BiH Upitnik sa 3.242 pitanja.

Izvedeni odgovori na pitanja u Upitniku omogućili su Evropskoj komisiji da u maju 2019. objavi Mišljenje sa 14 prioriteta koji zapravo predstavljaju sveobuhvatnu mapu puta za reforme u daljnjem odvijanju procesa integracije Bosne i Hercegovine u Evropsku uniju. U tom procesu predstoji istovremeno dobijanje statusa kandidata za članstvo i otvaranje pregovora o poglavljima za članstvo u Evropskoj uniji.

Mišljenje EK-a

U Mišljenju Evropske komisije najprije se polazi od nekoliko opštih konstatacija. Jedna među prvim je konstatacija kojom se naglašava da Bosna i Hercegovina nema državni program za usvajanje pravne stečevine EU. Kako bi se zakonodavstvo

demokratiju, vladavinu prava, ljudska prava i poštivanje i zaštitu prava manjina. Radi se o tome, uz ostalo, da su etničke manjine u BiH izložene diskriminaciji građanskog prava da biraju i da budu birani. Više od deset godina, Parlamentarna skupština BiH ne uspijeva provesti odluku Evropskog suda za ljudska prava u predmetu Sejdić-Finci.

Jedna od sljedećih opštih konstatacija odnosi se na nužnost usklađivanja ustavnog okvira BiH sa evropskim standardima. Na ovaj način će ustavno-politički sistem BiH postati funkcionalan, a to znači da će osnova pluralnih političkih interesa građana biti onaj interes koji garantuje napredak u ekonomskom, socijalnom i kulturnom životu ljudi. Pri tome se ne dovodi u pitanje kolek-



Primjena presude Evropskog suda više nije jedan od uslova za stavljanje na snagu SSP-a / EPA

BiH uskladilo sa pravnom stečevinom EU potrebna je potpuna prilagodba pravnog i institucionalnog okvira i administrativnih kapaciteta tom cilju jer evropeizacija jedne države, a time i Bosne i Hercegovine postiže se usvajanjem evropske pravne stečevine u sferi ekonomije, ljudskih prava, kulture, obrazovanja, demokratije i vladavine prava.

Nadalje se u opštim konstatacijama potcrtava da BiH još ne zadovoljava u dovoljnoj mjeri kriterije koji se odnose na stabilnost institucija koje garantuju

tivno pravo naroda na ravnopravnost u vršenju javnih poslova i razvoju nacionalnog identiteta.

Među opštim pristupnim konstatacijama naglašava se problem poboljšanja izbornog okvira. Izborni proces mora postati svojina svih građana. Nužno je dokinuti emicijaciju izbornog procesa i tako spriječiti izazivanje međuetničkih tenzija i oblikovanje izborne volje na suprotstavljanju prema drugom narodu, drugoj naciji.

(Sutra: Izbori u Mostaru)

Oslobođenje će u narednih nekoliko brojeva feljtonizirati autorsku studiju akademika Mirka Pejanovića, redovnog člana ANUBiH, i autorski rad dr. sci. Hode Dedić pripremljene za VIII međunarodni naučni skup Evropske i evroazijske integracije - prednosti i nedostaci, održan 26. juna ove godine u Brčkom u organizaciji Evropskog univerziteta Brčko distrikt BiH.



POTVRĐENO IZ MINISTARSTVA PRAVDE BiH

BiH skinuta sa EU liste visokorizičnih zemalja za pranje novca i financiranje terorističkih aktivnosti

Na snagu je stupila Delegirana uredba Komisije od 7. svibnja 2020. godine, kojom je revidirana lista visokorizičnih trećih zemalja.

Revidirana lista je u većoj mjeri usklađena i sa listom FATF-a

Bosna i Hercegovina (BiH) od juče službeno nije na EU listi visokorizičnih trećih zemalja sa strateškim nedostacima u svojem režimu sprječavanja pranja novca i borbe protiv financiranja terorizma koji predstavljaju znatnu prijetnju finansijskom sustavu Unije. Na snagu je stupila Delegirana uredba Komisije od 7. svibnja 2020. godine, kojom je revidirana lista visokorizičnih trećih zemalja. Revidirana lista je u većoj mjeri usklađena i sa listom FATF-a.

Europska komisija je prepoznala napredak i poduzete mjere u ovoj oblasti koji je BiH ostvarila u proteklom razdoblju, te je zaključila da u ovoj fazi, prema dostupnim informacijama, Bosna i Hercegovina nema strateške nedostatke u režim sprječavanja pranja novca i financiranja terorističkih aktivnosti. Komisija će nastaviti pratiti djelotvornu provedbu takvih mjera.

Ministarstvo pravde BiH je kroz svoj rad u proteklih nekoliko godina dalo značajan doprinos jačanju sustava sprječavanja pranja

novca i financiranja terorističkih aktivnosti, posebice kroz ključne izmjene i dopune krivičnog zakonodavstva BiH i kroz izmjene i dopune Zakona o udrugama i fondacijama BiH, saopćeno je iz Ministarstva.

Nadalje, u periodu 2016.-2018. godina Ministarstvo pravde BiH je učestvovalo u Radnoj grupi sa osam podgrupa (čiji su članovi bili predstavnici institucija sa državnog nivoa, nivoa entiteta i Brčko Distrikta), a koja je provela nacionalnu procjenu rizika od pranja novca i financiranje terorizma pod pokroviteljstvom Svjetske banke, te je bitno naglasiti da je i zajedno sa Europskom unijom (EU) Ministarstvo pravde BiH kroz projekat "Izgradnja kapaciteta državnih institucija za vođenje dijaloga o javnoj politici sa civilnim društvom" (projekat CBGI) uspostavilo e-registar, a sve ovo je u konačnici doprinijelo ispunjavanju uslova sa skidanja BiH sa FATF-ove sive liste rizičnih zemalja, a od juče i EU liste, saopćeno je iz Ministarstva pravde BiH.



Potrebna poboljšanja

Šef delegacije Bosne i Hercegovine za Moneyval i zamjenik ministra pravde BiH Nezir Pivić je kazao da su Bosni i Hercegovini potrebna poboljšanja u svim segmentima sprječavanja borbe protiv pranja novca i finansiranja terorizma, a posebno u vezi sa nadzorom rada odgov-

ornih institucija za provedbu mjera sprječavanja pranja novca, zatim kvantitativnog i kvalitativnog krivičnog procesuiranja predmeta pranja novca i finansiranja terorizma, nadzora nad radom nevladinog sektora i provedbe mjera u vezi s finansiranjem terorizma i profilacije.



ODLUKA STUPLA NA SNAGU

Ukinuta obaveza kontrole kvalitete drvnih sortimenata pri izvozu

Cilj je olakšanje poslovanja privrednicima i smanjenje parafiskalnih nameta

Odluka o izmjeni Odluke o određivanju proizvoda koji podliježu kontroli kvaliteta pri uvozu i izvozu, kojom je Vlada Federacije BiH, na prijedlog Federalnog ministarstva trgovine ukinula obavezu kontrole kvaliteta pri izvozu trupaca, rezane građe, drveta za ogrjev i suhu destilaciju, celuloznog i oblog tehničkog drveta, stupila je na snagu. Potvrdio je to federalni ministar trgovine Zlatan Vujanović navodeći da je izmjenjena Odluka izvršena zbog usklađivanja postupanja inspekcijskih organa entiteta i Brčko Distrikta pri izvozu drvnih sortimenata iz Bosne i Hercegovine, kao i olakšanja poslovanja privrednicima i smanjenja parafiskalnih nameta.

Naime, u Bosni i Hercegovini se primjenjuju različiti važeći entitetski propisi i postupci kontrole kvaliteta poljoprivrednih proizvoda i njihovih prerađevina i kvaliteta industrijskih proizvoda pri uvozu i izvozu, jer nije donesen odgovarajući propis na nivou države. Tako se, podsjeća Vujanović, prema dosad važećoj odluci na graničnim prijelazima na kojima kontrolu kvaliteta vrši Federalna uprava za inspekcijske poslove, prilikom izvoza drvnih sortimenata obavljala kontrola kvalitete i izvoznici su bili dužni imati uvjerenje o kontroli kvaliteta tih proizvoda za izvoz. Nasuprot tome, na graničnim prijelazima gdje kontrolu kvaliteta obavljaju nadležne inspekcije Republike Srpske i Brčko Distrikta ne obavlja se kontrola kvaliteta proizvoda pri izvozu. U ovakvoj

situaciji, kako kaže Vujanović, proizvođači i izvoznici drvnih sortimenata iz Federacije BiH su imali veće izvozne troškove i duže procedure u odnosu na izvoznike iz Republike Srpske i Brčko Distrikta.

"Proizvođači i izvoznici drvnih sortimenata iz Federacije BiH su od Federalnog ministarstva trgovine, kao ovlaštenog predlagача Odluke tražili ukidanje ove obaveze, pri čemu su istakli da ista nema svoju svrhu, jer njihovi kupci ne traže uvjerenje o kvaliteti proizvoda izdato od preduzeća ovlaštenog u Federaciji, te predstavlja klasičan parafiskalni namet", istakao je Vujanović.

Federalno ministarstvo trgovine cijeneći sve inicijative i prijedloge privrednika koji doprinose boljem uređenju trgovinske djelatnosti uvažilo je navedeni prijedlog što je rezultiralo donošenjem Odluke.

"Istovremeno, Vlada Federacije BiH je izmijenila i Odluku o određivanju proizvoda za koje kontrolu kvaliteta obavljaju preduzeća koja je ovlastilo Federalno ministarstvo trgovine, čime je ukinuta obaveza kontrole kvaliteta drvnih sortimenata pri izvozu od ovlaštenih preduzeća. Vlada Federacije BiH je donošenjem ovih odluka iskazala svoje opredjeljenje za smanjenje broja i racionalizaciju troškovnika parafiskalnih nameta što je nužno za stvaranje povoljnijih uslova za poslovanje domaćih privrednika, jačanje njihove konkurentnosti, kao i unapređenje poslovnog ambijenta", poručio je Vujanović.





GUDELJEVIĆ GA OSLOVILA 'RAVNATELJEM' Verbalno napao ministricu zbog hrvatskog jezika

Iz Ministarstva civilnih poslova BiH priopćili su da je ministrica Ankica Gudeljević verbalno napadnuta zbog uporabe riječi "ravnatelj" umjesto "direktor" na sastanku radi unaprjeđenja procesa akreditacije visokoškolskih institucija u Distriktu Brčko BiH, kojem su nazočili predstavnici Odjela za obrazovanje u Vladi Distrikta Brčko BiH, Asocijacije rektora privatnih sveučilišta i ravnatelj Agencije za razvoj visokog obrazovanja i osiguranje kvalitete. Kako navode iz Ministarstva, već na početku sastanka, uz neprimjereno burnu reakciju, ravnatelj Agencije za razvoj visokog obrazovanja i osiguranje

kvalitete prof. dr. Enver Halilović verbalno je nasrnuo na ministricu Gudeljević zabranjujući joj da ga oslovljava s "ravnatelj" jer je ta riječ "neprihvatljiva". - Sudionici sastanka nastojali su uvjeriti ravnatelja Halilovića da svatko ima pravo uporabiti onu riječ koja je u duhu njegova materinskog jezika, no, nažalost, bez ikakva učinka. Neprimjerena retorika nastavljena je uz optužbe upućene ministrici kojom se nastojala diskreditirati u svojoj ženskoj, političkoj i poziciji žitelja jedne države koji ima Ustavom zajamčena prava govoriti materinskim jezikom - navode, između ostalog, iz MCP-a BiH. (ri)



BURNA REAKCIJA

Gudeljević se obratila Haliloviću, na što je on reagirao na njezin jezik



FEDERACIJA BIH

Ukinuta kontrola kvalitete drvnih sortimenata

Odluka o izmjeni odluke o određivanju proizvoda koji podliježu kontroli kvaliteta pri uvozu i izvozu, kojom je Vlada Federacije BiH, na prijedlog Federalnog ministarstva trgovine, ukinula obvezu kontrole kvalitete pri izvozu trupaca, rezane građe, drva za ogrjev i suhu destilaciju, celuloznog i oblog tehničkog drva, stupila je na snagu. Potvrdio je to za Fenu federalni ministar trgovine Zlatan Vujanović navodeći da je izmjena odluke izvršena zbog usklađivanja postupanja inspekcijskih tijela entiteta i Brčko Distrikta pri izvozu drvnih sortimenata iz Bosne i Hercegovine, kao i olakšanja poslovanja gospodarstvenicima i smanjenja parafiskalnih nameta.

Naime, u BiH se primjenjuju različiti važeći entitetski propisi i postupci kontrole kvalitete poljoprivrednih proizvoda i njihovih prerađevina i kvalitete industrijskih proizvoda pri uvozu i izvozu, jer nije donesen odgovarajući propis na razini države. Tako se, podsjeća Vujanović, prema dosad važećoj odluci na graničnim prijelazima na kojima kontrolu kvalitete vrši Federalna uprava za inspekcijske poslove, prilikom izvoza drvnih sortimenata, obavljala kontrola kvalitete i izvoznici su bili dužni imati uvjerenje o kontroli kvalitete tih proizvoda za izvoz. Nasuprot tome, na graničnim prijelazima gdje kontrolu kvalitete obavljaju nadležne inspekcije Republike Srpske

i Distrikta Brčko ne obavlja se kontrola kvalitete proizvoda pri izvozu.

U ovakvoj situaciji, kako kaže Vujanović, proizvođači i izvoznici drvnih sortimenata iz Federacije BiH imali su veće izvozne troškove i dulje procedure u odnosu na izvoznike iz RS-a i Distrikta Brčko. (ri)



Zlatan Vujanović – povoljniji uvjeti za gospodarstvenike



KORONA ODNIJELA JOŠ ŠEST ŽIVOTA

Zaraženo 144 djece, broj pozitivnih u BiH premašuje broj oporavljenih

Svakodnevno stižu vijesti kako je zaraza ušla u još neku ustanovu u Bosni i Hercegovini, **broj novozaraženih** jučer je ponovno prešao 200

Ljiljana Vidačak

Broj novozaraženih u BiH ne ulijeva optimizam da se širenje koronavirusa stavlja pod kontrolu. Prema posljednjim informacijama, u BiH je 218 novozaraženih, u FBiH 110, RS-u 105 i tri u **Brčkom**. Šest osoba je preminulo.

Pozitivan i načelnik Kalesije

U FBiH testirano je 1258 uzoraka od kojih je 110 pozitivno na koronavirus. Novi slučajevi su u TŽ-u (43), ZDŽ-u (10), HNŽ-u (6), SBŽ-u (5), USŽ-u (9), BPŽ-u (6) i SŽ-u (31). U ZHŽ-u na koronavirus testirano je 11 osoba i sve su negativne. Dvije osobe iz Širokog Brijega su se oporavile. U samoozolaciji su 53 osobe. U ZHŽ-u sedam osoba je pozitivno, po tri u Širokom Brijegu i Posušju i jedna u Ljubuškom. U HNŽ-u pozitivno je još šest osoba, sve iz Mostara. U Klinici za infektivne bolesti SKB-a Mostar liječi se šest bolesnika, od čega je jedan na respiratoru i izrazito teškog kliničkog stanja. U SŽ-u dvije osobe su, nažalost, preminule. Riječ je muškarcima starije dobi (87 i 68 godina). U SŽ-u je 605 osoba pozitivno na koronavirus, a 36 se nalazi na bolničkom liječenju u izolatoriju KCUS-a. U FBiH COVID-19 dosad je potvrđen kod 3124 osobe, oporavljeno je 1327, dok je trenutačno aktivno 1725 slučajeva pozitivnih na koronavirus, dok su 72 osobe preminule. Sve više je institucija

u BiH u koje se uvukao koronavirus. Sead Džafić, načelnik Kalesije, preko Facebooka je obavijestio javnost da je pozitivan na COVID-19. Naveo je da je prije nekoliko dana osjetio umor, što je i bio razlog da uradi test.

- Zarazu sam najvjerojatnije dobio na pokopu bližeg člana obitelji prošlog tjedna - naveo je i dodao da sada nema simptome. Zbog stanja s pandemijom Vlada FBiH zadužila je federalna tijela uprave, federalne upravne organizacije, stručne i druge službe Vlade FBiH, kao i javne ustanove i javna poduzeća čiji je osnivač FBiH da se, u cilju sprečavanja širenja bolesti izazvane koronavirusom, u potpunosti pridržavaju odgovarajućih odluka i zaključaka federalne Vlade i naredbi i preporuka nadležnih kriznih stožera. Federalna tijela, javne ustanove i javna poduzeća dužni su donijeti i usvojiti krizne planove pripravnosti, koji sadrže set svih higijensko-epidemioloških mjera za sprječavanje širenja pandemije. Kazneno-popravni zavodi i ustanove socijalne zaštite, čiji je osnivač FBiH, dužni su u vezi s posjetima i izlascima štićenika, kao i primom novih, u potpunosti postupati u skladu s naredbama i preporukama kriznih stožera. U RS-u je 105 novozaraženih, dok su prijavljena tri smrtna slučaja osoba pozitivnih

na koronavirus. Riječ je o dvama muškarcima srednje životne dobi iz Teslića i Zvornika i starijoj ženi iz Doboja. Do sada je u RS-u potvrđeno 2918 slučajeva korone, oporavilo se 1468 osoba, a preminulo 137. Hospitalizirano je 168 osoba pozitivnih na COVID-19. RS je ušao u razdoblje naglog rasta broja zaraženih koronom, što znači da je broj pozitivnih na virus sada veći od broja oporavljenih, rekao je v. d. ravnatelja Instituta za javno zdravstvo Branislav Zeljković.

Bebe od mjesec dana

Vladimir Mirošljević, predstojnik Klinike za dječje bolesti na UKC-u RS-a, rekao je da je u RS-u zaraženo 144 djece. - Zaraženo je 69 djece uzrasta do četiri godine i 75 uzrasta od pet do 15 - rekao je. Njihovo stanje je dobro i sada u Klinici za dječje bolesti nije hospitalizirano nijedno dijete zaraženo koronavirusom. - Djeca inače imaju lake kliničke slike, ali se uvijek postavlja pitanje koliko su ona rezervoar infekcije i kako mogu prenijeti virus na druge - naveo je. Posljednja tri pacijenta u RS-u su bebe do mjesec dana, što govori da su se zarazile od roditelja koji su unijeli virus u obitelj

6086

U BiH je na koronavirus od početka epidemije pozitivno ukupno 6086 osoba, od čega u FBiH 3124, u Republici Srpskoj 2918, a u Distriktu Brčko 44 osobe

3057

Do sada se u BiH oporavilo 2815 osoba - u RS-u 1468 osoba, u FBiH 1327, a u Brčkom 20 osoba. Prema ovim pokazateljima, u BiH je 3057 aktivnih slučajeva pozitivnih na COVID-19



214

Do sada je u BiH preminulo 214 osoba koje su bile pozitivne na koronavirus - u Federaciji BiH 72, u Republici Srpskoj 137, a u Distriktu Brčko pet osoba



SIMPTOMI KORONAVIRUSA kod 60 posto zaražene djece su temperatura, kašalj i glavobolja, a, kako se navodi, mogući su i mučnina i proljev